

Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

RAPORTI I EKSPERTIT SHQYRTUES

Emri dhe Mbiemri i eks. Shqyrtues/Teknik dhe nënshkrimi Dior Halili Valon Jahaj	Data e autorizimit të ekspertit 01/06/2020	Data e dorëzimit të raportit 09/06/2020
--	---	--

1. BAZA LIGJORE E SHQYRTIMIT

OE "ASSECO SEE"- SH.P.K - Prishtinë, si palë e pakënaqur në vendimin e AK-së për refuzimin e kërkesës për rishqyrtim të datës 11.05.2020, me datë 18.05.2020 ka parashtruar ankesë pranë OSHP-së me nr. të lëndës **315/20**, lidhur me Aktivitetin e Prokurimit: **"Furnizimi dhe instalimi i softwerit sistemi ERP"** me numër të prokurimit: **IL-19-9673-1-2-1**, të iniciuar nga Autoriteti Kontraktues (AK) – **Ndërmarrja Hidroekonomike "Ibër Lepenc" SH.A.**

Autoriteti kontraktues ka zbatuar procedurë të hapur, lloji i kontratës: furnizim, vlera e parashikuar e 49,000.00€. Kriteri i dhënies së kontratës: Tenderi i përgjegjshëm me çmimin më të ulët.

Datat për fazat e ndryshme të procedurës së prokurimit deri në ankesë janë si në vijim:

Njoftimi për kontratë: 30.12.2019
Afati për dorëzimin e Tenderëve: 23.01.2020
Ankesa 1 në OSHP: 23.01.2020
Vendimi i OSHP-së: 02.03.2020
Njoftim për përmirësim të gabimit 1: 09.03.2020
Njoftim për përmirësim të gabimit 2: 23.03.2020
Afati i Fundit për Dorëzim: 06.04.2020
Njoftimi për vendimin e AK-së: 06.05.2020
Kërkesa për Rishqyrtim: 11.05.2020
Përgjigja në kërkesën për Rishqyrtim: 14.05.2020
Ankesa në OSHP: 18.05.2020

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, Eksperti Shqyrtues i ka shqyrtuar pretendimet ankimore të OE ankues.

2.PRETENDIMET ANKIMORE

OE "ASSECO SEE"- SH.P.K - Prishtinë, si palë e pakënaqur në vendimin e AK-së për refuzimin e kërkesës për rishqyrtim të datës 11.05.2020, me datë 18.05.2020 ka parashtruar ankesë pranë OSHP-së me nr. të lëndës **315/20**, lidhur me Aktivitetin e Prokurimit: **"Furnizimi dhe instalimi i softwerit sistemi ERP"** me numër të prokurimit: **IL-19-9673-1-2-1**, të iniciuar nga Autoriteti Kontraktues (AK) – **Ndërmarrja Hidroekonomike "Ibër Lepenc" SH.A**. OE ankues ka pretenduar që janë shkelur këto dispozita ligjore:

Neni 28.9 i LPP-së

Neni 59 paragrafi 2

Neni 108A, paragrafi 8.4

OE ankues thotë që janë njoftuar me shkrim nga AK lidhur me eliminimin përmes letrës standarde për tenderuesin e eliminuar. Konform nenit 108/A të Ligjit nr. 05/ L-068 për plotësim dhe ndryshim të ligjit Nr.04/L-042 për Prokurim Publik, me datë 11.05.2020 ata kanë dorëzuar kërkesën për rishqyrtim të vendimit pranë AK ku kanë shprehur mospajtimet lidhur me eliminim. Me datë 14.05.2020 OE ankues ka pranuar vendimin për refuzim të kërkesës për rishqyrtim. Ne arsyetimin e dhënë nga AK jepen të njëjtat arsye për eliminim, të cilat janë dhenë në letrën standarde për tenderuesin e eliminuar, pa u adresuar asnjëra nga mospajtimet e paraqitura në kërkesë.

Neni 28 paragrafi 9 i LPP-së;- (PRETENDIMI 1)

Në letrën standarde për tenderuesin e eliminuar, AK ka konsideruar se ASSECO SEE është i papërgjegjshëm duke qenë se nuk i ka plotësuar specifikat teknike të dosjes së tenderit të listuara si në njoftimin e dhenë. Mbi këtë bazë ASSECO SEE konsideron se ka shkelje të Nenit 28 të LPP, përkatësisht paragrafit 9, duke qenë se AK nuk e ka marrë parasysh deklaratën e ASSECO e cila është pjesë përbërëse e tenderit/ofertës së tyre, në të cilën në mënyrë eksplicite konfirmohet se ASSECO do të përmbush të gjitha kërkesat funksionale dhe jo funksionale nga dosja e tenderit në fjalë, sipas kushteve të kërkuara nga AK në dosjen e tenderit. Rrjedhimisht, konsiderojmë se AK nuk e ka marrë për bazë paragrafin 9 të nenit 28 të LPP-se ku thuhet se "tenderuesi duhet të paraqesë në tenderin e tij në mënyrë të përshtatshme që produkti ose shërbimi janë në përputhshmëri me specifikat e lartpërmendura, gjithashtu i plotëson kërkesat ekzekutuese ose funksionale të autoritetit kontraktues", ndërsa deklarata e ASSECO është pikërisht ajo që kërkohet nga kjo dispozite.

Për më tepër, lidhur me arsyet e eliminimit të ASSECO SEE, me poshtë i gjeni përgjigjet për secilën pikë:

- a) *Kërkesa 2.2: Duke marrë parasysh që sistemi i ofruar është platforme UEB nënkupton që sistemi funksionon në browser të ndryshëm përfshirë Firefox edhe në platformën mobile.*
- b) *Kërkesa 3.8: Sistemi jone i ofruar është sistem i cili aktualisht funksionon në ndërmarrje publike që kanë faturim masiv dhe që e përdorin lidhjen e pagesave me fatura sipas parimit nga "me e vjetra" andaj kjo kërkesë mundësohet përmes sistemit tone dhe është pjesë e konfigurimit të sistemit gjatë implementimit.*
- c) *Kërkesa 2.10: Automatic Backup and Restore mundësohet nga sistemi jone i ofruar dhe kjo konfigurohet gjatë fazës së implementimit.*
- d) *Kërkesa 3.14: Është veçori standard e sistemeve ERP andaj edhe sistemi i ofruar nga ne e përkrahë përlllogaritjen e kostos së mallit sipas metodës FIFO.*
- e) *Sistemi i ofruar nga ne është i konfigurueshëm andaj mund të konfigurohet që të mundësohet gjurmimi i artikujve sipas numrit serik.*
- f) *Sistemi i ofruar nga ne është platformë e hapur për integritet të ndryshme përfshirë edhe atë me access control. Si produkt final pas implementimit sistemi i ofruar nga ne përfshinë edhe Self Service i cili gjatë fazës së implementimit konfigurohet sipas kërkesave specifike të autoritetit kontraktues.*

Neni 59 paragrafi 2;- (PRETENDIMI 2)

Nëse AK do të kishte dilema se tenderi i ASSECO SEE nuk i përkrah ndonjë nga kërkesat e parashtruara në dosje të tenderit, edhe pse askund në ofertën/tenderin e ASSECO SEE nuk konfirmohet se ndonjë kërkesë nuk mund të përkrahet nga sistemi i ofruar dhe përkundrazi është deklarata e ASSECO SEE e cila konfirmon pikërisht të kundërtën e konstatimit të AK se në tenderin e ASSECO SEE ka kërkesa që nuk përkrahen nga sistemi i ofruar, AK do të duhej të zbatonte nenin 59.2 të LPP-se duke kërkuar informata shtese nga ASSECO SEE lidhur me sqarimin e cilitdo nga aspektet e tenderit të tij.

Neni 108/A, paragrafi 8.4- (PRETENDIMI 3)

Në arsyetimin e vendimit të AK lidhur me kërkesën për rishqyrtim të vendimit për eliminim, AK në asnjë pjesë të saj nuk e ka shqyrtuar çështjet që janë ngritur nga Ankuesi lidhur me shkeljet e supozuara të nenit 28.9 i LPP-së dhe Nenit 59 paragrafi 2. Vendimi i AK lidhur me kërkesën për rishqyrtim është përsëritje e arsyetimeve nga njoftimi për eliminim dhe nuk ka adresim të çështjeve që janë kërkuara nga ankuesi konform Nenit 108/A, paragrafi 8.4.

3. FAKTET E RASTIT TË RËNDËSISHME PËR PRETENDIMET

Fakti 1. Paragrafi 9 i nenit 28 të LPP-së, Neni 28, Specifikimet teknike:

Paragrafi 9. Kur autoriteti kontraktues e ka parashtruar specifikimin teknik për kërkesat ekzekutuese ose funksionale, ai nuk mund të përdorë kërkesat e tilla si arsyetim për refuzimin e tenderit, produktit ose shërbimit që është në përputhshmëri me një specifikim të përmendur në paragrafin 4. dhe 5. të këtij neni nëse specifikimi i tillë trajton kërkesat e njëjta ekzekutuese ose funksionale dhe është i përshtatshëm. Tenderuesi duhet të paraqesë në tenderin e tij, në mënyrën më të përshtatshme (siç është ajo e dosjeve teknike ose raportit të testimit nga një palë e tretë e pavarur), që produkti ose shërbimi, janë në përputhshmëri me specifikimet e lartpërmendura gjithashtu i plotëson kërkesat ekzekutuese ose funksionale të autoritetit kontraktues.

Fakti 2. Neni 59, paragrafi 2 i LPP-së, Neni 59 Ekzaminimi, Vlerësimi dhe Krahësimi i Tenderëve Paragrafi 2.

Autoriteti kontraktues mundet që me shkrim të kërkojë nga një tenderues që të sigurojë një sqarim me shkrim mbi cilindo nga aspektet e tenderit të tij, në mënyrë që të bëhet ekzaminimi, vlerësimi ose krahasimi i tenderëve. Asnjë ndryshim material dhe asnjë aspekt i tenderit nuk duhet të kërkojen ose pranohen nga autoriteti kontraktues ose të ofrohen nga një tenderues.

Fakti 3. Neni 108/A, paragrafi 8.4, Zgjidhja preliminare e mosmarrëveshjeve:

8. Autoriteti kontraktues do ta refuzojë një kërkesë për rishqyrtim kur:

8.4. autoriteti kontraktues ka shqyrtuar vendimin e tij në kuptimin e asaj që kërkohet nga ankuesi. (05L/068)

Fakti 4. Pjesë nga dokumenti: “Specifikimi teknik për Softwerin ERP_Iber Lepenc.docx” të cilat sipas AK nuk janë plotësuar nga OE ankues.

2. Kërkesat specifike dhe domosdoshme të sistemit

- Duhet të mundesojë të përdoret në platforma të ndryshme: web (chrome, firefox, safari, brave internet explorer etj), mobile (android dhe iOS), windows
- Sistemi duhet të përkrahë arkivimin (backup) automatikë si dhe kthimin e të dhënave paraprake në rast të ndonjë problemi (automatic backup and restore of database)

3. Moduli I Financave

- Sistemi duhet të mundesojë lidhjen e pagesave me faturat e caktuara. Në rast të mos selektimit, sistemi duhet të përkrahë metodën e lidhjes së pagesave me faturën “nga më e vjetra” (from the oldest)
- Sistemi duhet të mundesojë përlogaritjen e kostos së mallit së paku sipas metodës mesatare dhe FIFO


4. Blerja

- Duhet të suportohet gjurmimi i artikujve sipas numrave serik dhe datave të skadencës

5. Moduli I HR dhe PAGAVE

- Sistemi duhet të ofrojë një modul të self servisit, i cili ofron këto informacione:
 - o Kërkesat për pushime, duke marrë aprovimet paraprake nga personat përgjegjës në hierarkinë e kompanisë
 - o Të ofrojë shikimin e të dhënave të profilit të tij
 - o Të ofrojë shikimin e oreve, vonësive dhe daljeve nga akses kontrolli,
 - o Të ofrojë krijimin e raportit për totalin e oreve, vonësive, kohën e pauzës, orët e pushimeve
 - o Të mundesojë të shikojë historikun e pagave të cilat i ka pranuar më parë i punësuar

Fakti 5 për pretendimin 1, nga dokumenti i OE ankues “3. Oferta Teknike-Asseco SEE.pdf” faqe 22.



Shtresa UI apo nderfaqja e sistemit e cila prezantohet na shfletuesi i interneti eshte pergjegjese per gjenerimin dhe renderimin e HTML dhe ekzekutimin e JavaScript kodit.

Shtresa Application eshte pergjegjese per vendosjen e komunikimit me shtresen te dhenave dhe gjenerimin e gjitha formave te nderfaqes.

Fakti 6. Projektet e ngjashme të realizuara nga OE ankues.

1.1. PROJEKTE TE NGJASHME TE REALIZUARA

Nr.	Klienti	Emri i Kontrates
1	KUR Mitrovica	Development, delivery and installation of an Integrated Financial Management and Accounting Information System software (IFMAIS) for Mitrovica Regional Water Company
2	Bifurkacioni sh.a	Furnizim dhe Implementim te sistemit informativ te ndermarrjes (Faturimi dhe ERP)
3	Raiffeissen Bank Albania	Implementimi I Call Center – Asseba Live
4	KUR Prishtina	Supply and Implementation of ERP and Billing System for RWC Pristina
5	EHV GMBH	Sherbime te zhvillimit, Implementimit dhe mirembajtjes se sistemit per shitje dhe distribucion mobil
6	Banka per Biznes	Delivered and successfully implemented ASEBA JIMBA Mobile Banking solution for Banka per Biznes
7	Hidroregjioni sh.a	Mirembajtja dhe administrimi I aplikacionit softverik dhe perkrahja e shfrytezuesve
8	UNDP	Development of Monitoring Anti-Corruption Strategy and Integrity Plans Software for Kosovo Anti-Corruption Agency

Fakti 7. Deklarata e OE ankues për plotësimin e kërkesave funksionale dhe jo funksionale.

Asseco SEE

DEKLARON

Se do ti përbush të gjitha kërkesat funksionale dhe jo unklonale nga dosja e tenderit "Furnizimi dhe instalimi i softwerit sistemi ERP" me numër të prokurimit IL-19-9673-1-2-1 dhe numër të brendshëm IL-19-042-121, sipas afatëve dhe kushteve të kërkuara nga autoriteti kontraktues në dosjen e tenderit.

Kohëzgjatja e shërbimeve të mirëmbajtjes pas pranimi final: 6 muaj



4. RAPORTI I KOMISIONIT VLERËSUES

Duke u bazuar në raportin e vlerësimit, komisioni vlerësues ka konstatuar si në vijim:
Oferta e OE ankues është vlerësuar si e papërgjegjshme.

5. VENDIMET E MËPARSHME LIDHUR ME RASTET E NGJASHME

Vendimi 54-20 i P.SH. të OSHP-së i datës 02.03.2020, lidhur me ankesën e OE "PBC", ku ankesa aprovohet si pjesërisht e bazuar dhe obligohet AK që të bëjë përmirësimin e Dosjes së Tenderit.

6. ARSYETIMI PËR DEVIJIM NGA PRAKTIKA E MËPARSHME

N/A

7. VLERËSIMI I PRETENDIMEVE TË NDRYSHME TË ANKESËS

Pas shqyrtimit në detaje të lëndës së tenderit lidhur me këtë aktivitet të prokurimit dhe duke u bazuar në dokumentacionin në dispozicion, ekspertit shqyrtues dhe ai teknik japin këtë mendim si në vijim:

Konstatimi i ekspertit teknik për pretendimin ankimor 1, shkelje nga AK e Nenit 28 paragrafi 9 i LPP-së:

Ne letrën standarde për tenderuesin e eliminuar, AK ka konsideruar se ASSECO SEE është i papërgjegjshëm duke qenë se nuk i ka plotësuar specifikat teknike të dosjes së tenderit të listuara si në njoftimin e dhënë.

- a) *Kërkesa 2.2: Duke marrë parasysh që sistemi i ofruar është platforme UEB nënkupton që sistemi funksionon në browser të ndryshëm përfshirë Firefox edhe në platformën mobile.*

Eksperti shqyrtues teknik bazuar në faktet 1, 5, 6 dhe 7 të kësaj ekspertize, për pretendimin ankimor 1 dhe për pjesët të cilat ky pretendim ankimor i përfshinë, deklaroi që OE ankues në ofertën teknike të tij nuk e ka cekur që sistemi i ofruar nga ai funksionon edhe me shfletuesin Mozilla Firefox por i ka cekur shfletuesit: "Safari, IE dhe Google Chrome", por absolutisht nuk dyshoi që të njëjtës platformë nuk mund të qasen përdoruesit edhe nëpërmjet shfletuesit "Mozilla", por në mungesë të ndonjë paragrafi të shkruar ku ceket kjo gjë apo ndonjë deklaratë të OE ankues ku është e paraqitur dëshmuesisht që i njëjti është i qasshëm për përdoruesit edhe nëpërmjet shfletuesit "Mozilla" e konsideroj si pjesërisht të bazuar pretendimin ankimor 1a.

b) *Kërkesa 3.8: Sistemi jone i ofruar është sistem i cili aktualisht funksionon në ndërmarrje publike që kanë faturim masiv dhe që e përdorin lidhjen e pagesave me fatura sipas parimin nga "me e vjetra" andaj kjo kërkesë mundësohet përmes sistemit tone dhe është pjesë e konfigurimit të sistemit gjatë implementimit.*

Eksperti shqyrtues teknik bazuar në referencat, kontratat dhe rekomandimet të cilat OE i ka bashkangjitur në Ofertën e tij, konsideron se edhe kjo pjesë e pretendimit **është e bazuar** dhe mënyra e lidhjes së pagesave me faturat është e konfigurueshme gjatë implementimit.

c) *Kërkesa 2.10: Automatic Backup and Restore mundësohet nga sistemi jone i ofruar dhe kjo konfigurohet gjatë fazës së implementimit.*

Eksperti shqyrtues teknik bazuar në kontrollimin e detajuar të ofertës teknike të OE ankues, mënyrës së prezantimit të projektit, realizimit dhe funksionalizimit të tij, si dhe nga përvoja ime personale konsideroj që edhe pjesa c) e pretendimit ankimor **është e bazuar**.

d) *Kërkesa 3.14: Është veçori standard e sistemeve ERP andaj edhe sistemi i ofruar nga ne e përkrahë përlllogaritjen e kostos së mallit sipas metodës FIFO.*

Eksperti shqyrtues teknik për pjesën d) të pretendimit ankimor 1 konsideron se edhe kjo pjesë e pretendimit ankimor **është e bazuar**

e) *Sistemi i ofruar nga ne është i konfigurueshem andaj mund të konfigurohet që të mundësohet gjurmimi i artikujve sipas numrit serik.*

Eksperti shqyrtues teknik për pjesën e) të pretendimit ankimor 1 konsideron se edhe kjo pjesë e pretendimit ankimor **është e bazuar**

f) *Sistemi i ofruar nga ne është platformë e hapur për integritet të ndryshme përfshirë edhe atë me access control. Si produkt final pas implementimit sistemi i ofruar nga ne përfshinë edhe Self Service i cili gjatë fazës së implementimit konfigurohet sipas kërkesave specifike të autoritetit kontraktues.*

Eksperti shqyrtues teknik për pjesën f) të pretendimit ankimor 1 konsideron se edhe kjo pjesë e pretendimit ankimor **është e bazuar**. Kjo dëshmohet me referencat dhe kontratat e bashkangjitura në dosjen e tenderit të dorëzuar nga OE ankues si dhe duke u bazuar në faktin 7 të kësaj ekspertize

Në lidhje me pretendimin ankimor 1 shkelje nga ana e AK-së e Nenit 28 paragrafi 9 i LPP-së, **Eksperti Teknik** konsideron se gjatë shqyrtimit të ofertave të dorëzuara nga OE pjesëmarrës në këtë aktivitet të prokurimit publik, AK-ja nuk e ka ndjekur me saktësi paragrafin 9 të nenit 28 të LPP-së duke mos marrë parasysh dokumentacionin e dorëzuar nga ana e OE ankues, andaj Pretendimin 1 të tij e konsideron si plotësisht të **Bazuar**.

Konstatimi i ekspertit teknik për pretendimin ankimor 2, shkelje nga AK e Neni 59 paragrafi 2:

Nëse AK do të kishte dilema se tenderi i ASSECO SEE nuk i përkrahë ndonjërin nga kërkesat e parashtruara në dosje të tenderit, edhe pse askund në ofertën/tenderin e ASSECO SEE nuk konfirmohet se ndonjë kërkesë nuk mund të përkrahë nga sistemi i ofruar dhe përkundrazi është deklarata e ASSECO SEE e cila konfirmon pikërisht të kundërtën e konstatimit të AK se në tenderin e ASSECO SEE ka kërkesa që nuk përkrahë nga sistemi i ofruar, AK do të duhej të zbatonte nenin 59.2 të LPP-së duke kërkuar informata shtese nga ASSECO

SEE lidhur me sqarimin e cilitdo nga aspektet e tenderit te tij.

Duke marrë parasysh faktet e bashkëngjitura dhe kronologjinë e ngjarjes që nga njoftimi për kontratë, tek kërkesat për sqarime, ankesa e parë, vendimi i OSHP, përmirësimet e gabimeve, kërkesat për rishqyrtim pastaj prapë përmirësimi i gabimeve e deri te ankesa e tanishme, Eksperti Teknik dhe ai Shqyrtues konsiderojnë që AK nuk ka respektuar nenin 59 duke mos kërkuar informata shitesë në lidhje me arsyetimet për refuzimin e ofertës së OE ankues.

Konstatimi i ekspertit teknik për pretendimin ankimor 3, shkelje nga AK e nenit 108/A, paragrafi 8.4:
Ne arsyetimin e vendimit te AK lidhur me kërkesën për rishqyrtim te vendimit për eliminim, AK ne asnjë pjese te saj nuk e ka shqyrtuar çështjet qe janë ngritur nga Ankuesi lidhur me shkeljet e supozuara te nenit 28.9 i LPP-së dhe Nenit 59 paragrafi 2. Vendimi i AK lidhur me kërkesën për rishqyrtim është përsëritje e arsyetimeve nga njoftimi për eliminim dhe nuk ka adresim te çështjeve qe janë kërkuar nga ankuesi konform Nenit 108/A, paragrafi 8.4.

Eksperti shqyrtues teknik, bazuar në Faktin 3 te kësaj ekspertize, analizimin e Kërkesës për Rishqyrtim dhe përgjigjen ne të nga ana e AK-së, raportin e vlerësimit si dhe njoftimin për vendimin e AK-së, konsideron se arsyetimet për refuzimin e ofertës se OE ankues janë identike e po ashtu edhe përgjigja në kërkesë për rishqyrtim, andaj këtë pretendim ankimor e konsideroj **si të Pabazuar** ngase AK gjegjësisht komisioni vlerësues dhe personat përgjegjës qe kanë kthyer përgjigje thjesht janë bazuar në kërkesat e Njoftimit për kontratë, DT dhe Njoftimeve për përmirësimin e gabimeve e të cilat nuk i kanë hasur në dokumentacionin e dorëzuar nga OE ankues.

Marrë parasysh adresimin e pretendimeve të lartpërmendura, Ekspertët shqyrtues konsiderojnë që Autoriteti Kontraktues nuk ka vepruar konform nenit 28.9 dhe 59.2 të LPP-së, duke mos saktësuar kërkesat dokumentare për arsyetim të plotësimit të kërkesave teknike nga ana e operatorëve ekonomik të interesuar për pjesëmarrje në këtë procedurë, gjë që ka vonuar procedurën dhe ka pamundësuar ofertim të njëtrajshëm të OE.

Bazuar në sqarimet e cekura ne raportin e ekspertizës, Ekspertët shqyrtues i propozojnë panelit shqyrtues të OSHP-së që ankesa e OE "ASSECO SEE" SH.P.K. të merret parasysh si pjesërisht e bazuar dhe të obligohet AK që procedurën e prokurimit ta anuloj, dhe që me ritenderim të procedurës t'i avancojë kërkesat, duke u fokusuar në veçanti në ato teknike, gjithmonë duke vepruar konform dispozitave të LPP-së dhe RRUOPP.

8. MENDIMI I EKSPERTIT SHQYRTUES

Bazuar në sqarimet e lartpërmendura, eksperti shqyrtues dhe ai teknik i propozojnë panelit shqyrtues që ankesa e OE ankues duhet të jetë: pjesërisht e bazuar dhe të anulohet aktiviteti i prokurimit

Raporti i ekspertizës t'i dorëzohet:

- | | |
|---------------------------|---|
| - Autoritetit Kontraktues | Ndërmarrja Hidroekonomike "Ibër Lepenc" SH.A.". |
| - Panelit Shqyrtues | OSHP |
| - OE ankues | "ASSECO SEE" SH.P.K. - Prishtinë |

Raporti i ekspertit shqyrtues dhe atij teknik, lidhur me ankesën e parashtruar nga "ASSECO SEE"- SH.P.K - Prishtinë, ankesë pranë OSHP-së me nr. të lëndës 315/20, lidhur me Aktivitetin e Prokurimit: "Furnizimi dhe instalimi i softwerit sistemi ERP" me numër të prokurimit: IL-19-9673-1-2-1, të iniciuar nga Autoriteti Kontraktues (AK) – Ndërmarrja Hidroekonomike "Ibër Lepenc" SH.A